

HNANGV HAAIX NOR FIEV NJIEC MEIH NYEI SAR 7 TONG FIENX SOU BUN TAUX MEIH PUIX DUQV ZIPV TENGX NYEI JAUV**Weic tengx baeqc nyaanh caux CalFresh (loz- mbuoz heuc "Food Stamp") futv sa'daem nyaanh tengx nyanc hopv nyei nyaanh**

Siou jienv naaiv zeiv sou weic longc tengx meih dau SAR 7 (puix duqv zipv tong fiensex nyei jauv) wuov zeiv sou. Se gorngv meih qiex zuqc mienh tengx dau meih nyei box fiensex nyei sou nor, **heuc mingh lorz kau dih.**

- Se gorngv meih maiv fungx sou mingh nzoih nor, meih nyei nyaanh haih daaih zaih, goiv yienc, fai dingh, fai haih zoux bun camv jix ndaangc liuz meih yaac oix zuqc jaaub daaux nqaang nzuonx. Meih oix zuqc dau nzengc yietc zungv waac-naaic, caux fungx sou-daan daaih bun yiem haaix zanc yie mbuo naaic taux nor.
- **Jaa ganh kuaiv zeiv se gorngv qiex longc dornx gauh jiangv nor.**
- **Meih box tong zien waac nor haih zoux bun meih nyei nyaanh jaa camv faaux, zoqc njiec fai dingh.**

**NJIAUX WAAC****Meih oix zuqc dau SAR 7 ndongc haaix maqc**

Yietc hnyangx yietc nzunc; (6 hlaax nqa'haav meih zoux ziengx sou-gorn/taux hnyangx dong borqv nyei sou-gorn). Kau dih oix mbuox meih taux haaix zanc meih nyei SAR 7 sou nzengc ziangh hoc.

Box tong fiensex maaih mienh caux meih juangc biau v yiem

Se gorngv meih nyei hmuangv doic duqv zipv tengx baeqc nyaanh, box tong zien waac bun hiuv:

- Yietc zungv **ciex** fu'jueiv, hlorpv daaih, caux fu'jueiv nzuonx.
- Yietc zungv **ciex domh mienh**, nyiemc daaih, caux maiv zeiv ciex domh mienh.
- **Ganh dauh tengx fu'jueiv nyei ciex ceqv.**
- **Meih ganh caux meih nyei cai-doix fai njiec sou benx cai-doix.**
- Haaix dauh dongh maiv yiem biau v caamx baav uov.

Se gorngv meih nyei hmuangv doic zipv longc CalFresh dongh tengx nyanc hopv nyei nyaanh (juangc fai maiv juangc baeqc nyaanh) meih oix zuqc box tong zien waac bun taux:

- Yietc zungv fu'jueiv.
- Yietc zungv domh mienh.
- Yietc zungv juangc biau v mienh dongh ndorm muonz a'loqc maaz caux juangc nyanc hopv caux meih.

Tov mbuox dingh maiv zuqc tengx nyaanh

- Yiem SAR 7, dau dongh gorngv dingh maiv tengx nyaanh aqv wuov kang sou **kungx dongh** meih oix heuc dingh haaix nyungc tengx meih nyei nyaanh. Mbiuv jienv dongh meih oix heuc dingh nyei buonc nyaanh, caux njiec mbuox caux hnoi-nyieqc yiem SAR 7 sou. *Se gorngv meih kungx oix dingh nyungc baav tengx nyei nyaanh hngangv caux oix longc jienv ganh nyungc tengx nyei jauv nor, meih oix zuqc dau nzengc yietc zungv waac-naaic yiem SAR 7 nyei sou.*
- Meih yaac haih heuc mingh mbuox kau dih dingh meih nyei nyaanh.
- Se gorngv meih ganh heuc dingh meih nyei baeqc nyaanh nor, meih nyei Medi-Cal yaac haih dingh fai zuqc goiv yienc siang. Nzunc baav meih maiv haih duqv zipv Medi-Cal nyei tengx a'fai meih oix zuqc tengx cuotv deix nyaanh.

HNANGV HAAIX DAU JIOUX-JIOUX WAAC-NAAIC**Hmuangv Doic nyei jauv-louc (Da' 1 jioux waac-naaic)**

Fiev njiec maaih haaix diuc goiv yienc siang dongh maaih mienh daaih caux meih juangc yiem, tiuv dornx yiem (caux jienv tiuv aa-paatv menh nam mber, caux tiuv yiem-laamz longc cuotv nyei zinh nyaanh yiem meih box tong nqa'haav nzunc fiensex liuz uov). Naaiv se funx jienv: gu'nguaaz siang-yungx; maaih mienh suiv cuotv biau v caamx baav; a'fai maaih mienh nzuonx seix, maaih mienh bieqc fai cuotv ndie-sai dornx fai domh zuangc dornx (bieqc loh fai dingc zuiz).

Dornx yiem goiv yienc/ndorm muonz longc cuotv nyei jauv (Waac-naaic da' 2 caux da' 3)

Box tong zien waac maaih haaix diuc tiuv siang yiem meih nyei dornx dauh fai fonh nam mber yiem dongh meih duqv box tong fiensex nqa'haav nzunc uov. Se gorngv meih duqv zipv longc CalFresh nyei nyaanh nor, meih haih zuqc heuc dorh sou-daan mingh bun dimv mangc, nyungc zeiv se haih benx bun biau v jaa daan caux uom douz daan. Se gorngv meih longc cuotv nyei nyaanh jaa jaaix faaux weic laaix meih suiv dornx nor oix zuqc fiev njiec siang-jaaix nyei buonc nyaanh. Naaiv haih zoux bun meih nyei CalFresh nyaanh jaa camv faaux.

Zuqc dingc zuiz, biau v bingx caux zuov fungx nzuonx /zoux dornx (Probation) fai zaah zuiz nyei qiangx (Waac-dau da' 4 jioux)

Naaiv deix waac-naaic bun taux haaix dauh caux meih yiem jienv nyei mienh dongh maaih goiv yienc nyei jauv yiem nqa'haav nzunc meih tong fiensex daaih uov. Naaiv yaac fih hngangv nyei bun taux haaix dauh mienh dongh suiv mingh caux meih juangc yiem dongh zuqc dingc hniev nyei zuiz taux in, fai biau v bingx yiem zuqc dingc zuiz nyei qiangx, fai zoux dornx dingc zuiz nyei jauv/hatc zuiz nyei qiangx. Yie mbuo qiex longc naaiv dauh mienh nyei mbuox, dornx yiem, caux hnoi-nyieqc zuqc zornx/paav zuiz.

Se gorngv meih duqv box tong fiensex bun kau dih mi'aaq, meih maiv zuqc aengx box nzunc wuov deix loz-waac aqv.

Longc cuotv (CalFresh nyei waac-fiensex) (Waac-naaic da' 5, 6 caux 7)

Naaiv deix waac-naaic haih zoux bun meih nyei CalFresh nyaanh tiuv goiv yienc. Naaiv deix waac-fiensex yaac haih zoux bun meih duqv zipv nyei nyaanh zoqc njiec aengx jaa meih zipv tengx nyei jauv camv faaux. Bun taux mienh gox mienh dongh maaih hnyangx-jeiv 60 hnyangx faaux maengx a'fai benx waac fangx mienh nor, box tong fiensex taux meih ganh oix zuqc bun nyei buonc. Dongh duqv zipv CalFresh tengx nyei hmuangv doic, box tong taux maaih goiv yienc nyei jauv bun taux fu'jueiv caux domh mienh weic longc tengx zoux gong fai hoqc zoux gong. Se gorngv meih oix zuqc cuotv nyaanh uix fu'jueiv, box fiensex bun hiuv taux tiuv nyei jauv ndongc haaix camv. **Fungx sou-daan mingh bun dimv mangc taux meih haih duqv zipv nyaanh camv faaux nyei jauv.**

Zinh zoih siou setv (Waac-naaic da' 8 jioux)

Fiev njiec maaih haaix dauh duqv zipv, maaz, maaic, tiuv, longc cuotv fai fungx haaix nyungc jaa-dornx ganh dauh. Jaa-dornx nyei eix-leiz se funx jienv: ndau, biau v, cie, nyaanh lamz nyei sou-daan, cuotv nyaanh (zuqc lottery fai ndouv zinh hingh, duqv jaaub nzuonx nyei mienh gox nyaanh, duqv zipv nzou-zinh nzuonx). Liemh jienv zingh nyeic caux zaeqv. Fiev njiec benx haaix dauh nyei jaa dornx, benx haaix nyungc jaa dornx, ziangh haaix duqv goiv yienc, aengx caux funx benx jaa-zinh mba'ziex ("sox mouc" njiec jienv form). Dimv jienv wuov qornx taux hngangv haaix nor. **Fungx sou-daan gong jienv daaih.**

Se gorngv meih duqv box tong fiensex caux duqv fungx dengv nyei sou-daan liuz aqv, meih maiv zuqc aengx box taux meih maaih haaix diuc tiuv siangh hngangv.

Zoux gong zornx duqv nyei nyaanh (Waac-naaic da' 9)

Fiev njiec nzengc **yietc zungv** zoux gong zornx duqv nyei nyaanh (zoux gong) – zornx daaih, hen-nyaanh, bun hoqc gong nyaanh, zipv tengx nyei jauv, a'fai ganh nyungc zornx duqv nyei nyaanh yiem box fiensex wuov norm hlaax. Fiev njiec yietc zungv dongh maiv gaengh zornx nzou-zinh cuotv nyei nyaanh (buangv jaaix nyaanh). **Dengv nyei sou-daan.**

- **Zoux gong zornx duqv nyei nyaanh** maiv daan mbuocq naaiv mv baac oix zuqc funx jienv duqv zipv nyei nyaanh qekv, nyaanh zeiv, dingh gong nyaanh, jaa nyei nyaanh, seqc jeiv gong nyei nyaanh, zoux dangh baav nyei gong a'fai hoqc gong nyaanh, gaav biau v yiem nyei nyaanh, IHSS, ganh nyungc.
- Se gorngv benx **ganh nyei seqc jeiv gong**, meih haih zornx 40% cuotv yiem meih longc nyei nyaanh yaac maiv zuqc bun dengv nyei sou-daan. Se gorngv meih longc cuotv nyei buonc camv jix ndaangc liuz meih oix zornx cuotv dongh meih longc nyei buonc nor, oix zuqc fiev njiec yietc zungv qiex longc nyei buonc yiem ganh kuaiv zeiv. Bun jienv sou-daan box mengh meih gengh zien longc cuotv nyei nyaanh.
- **Zaah dimv mangc laaih zitc'** lemh jienv mv baac mv daan kungx fiensex dongh ninth mbuo cingv gong ziouv fungx daaih hngangv, UIB nyei fiensex fai mv maaih da'nyeic diuc jauv bun zaah laengx mangc aqv nor zuqc gorngv waac caux njiec jienv mbuoz.

Goiv Yienc yiem Zoux Gong Zipv Bieqc nyei Nyaanh (Waac-naaic 10)

Yie mbuo oix zuqc hiuv se gorngv meih hnamv daaih meih zornx bieqc nyei nyaanh aengx maaih jienv mingh a'fai maaih dornx goiv yienc yiem wuov ndaangc nyei jauv. Se gorngv meih zornx bieqc nyei nyaanh corc hngangv loz wuov nor, yie mbuo longc loz-nyaanh nyei soux mouc mingh wuov ndaangc 6 hlaax nyieqc. Se gorngv meih duqv bieqc nyei nyaanh haih tiuv nor yiem wuov ndaangc maengx nor, oix zuqc mbuox yie mbuo gorngv weic haaix diuc tiuv. Se gorngv meih maiv hiuv duqv hngangv haaix tiuv nor, meih haih box bun hiuv yiem tiuv liuz nyei ziangh hoc. Nyungc zeiv, se gorngv meih duqv zipv laengz waac taux bun gong meih zoux caux meih hiuv yietc norm ziangh hoc duqv mbuocq zix caux zoux gong nyei hnoi, meih oix zuqc box tong bun hiuv maiv gunv meih corc maiv gaengh jix gorn zoux gong fai maiv gaengh duqv zipv nyaanh. Caux jienv, se gorngv meih zoux gong yiem zouv mienh heuc dinc daaih lorz caux zoux gong nyei ziangh hoc yaac zanc-zanc tiuv jienv yiem hngangv nor, fiev njiec naaiv deix jauv-louc yiem SAR 7 nyei sou.

Duqv nyaanh bieqc nyei zoux gong nyungc zeiv maiv daan mbuocq naaiv mv baac corc liemh jienv: qekv-m'ngornx, ienx cuotv nyei nyaanh qekv, gong ziouv box fiensex nyei sou-daan, a'fai zoux ganh nyei seqc jeiv gong cuotv nyei nzou-zinh daanh.

Ganh nyungc duqv bieqc nyei nyaanh (Waac-naaic 11)

Fiev njiec **yietc zungv** ganh nyungc zornx bieqc nyei zinh nyaanh. Juix jienv dengv nyei sou-daan **daaih bun.**

- **Waac fangx fai dingh gong weic zoux gong buangv hnyangx-jeiv** liemh jienv SSI, mienh gox nyaanh, zoux baeng waac fangx nyaanh, tipv nzuonx bun zoux gong mienh fai maaih haaix diuc waac fangx/mienh gox dingh gong nyaanh.
- **Tengx ndortv gong mienh**
- **Ganh nyungc:** ndouv zinh nyaanh; beu goux fai ei leiz paav nyei nyaanh; zingh nyeic fai zaeqv; gaav biau v yiem nyei nyaanh; maiv zuqc cuotv biau v uom douz/lui houx/lai hnaangx (a'fai maaih mienh tengx meih cuotv nzengc yietc zungv qiex longc nyei nyaanh); a'fai aengx maaih ganh nyungc.
- **Zaah dimv mangc gorngv mv duqv zipv longc da'nyeic diuc mingh wuov ndaangc hingv aqv'** lemh jienv mv baac mv daan ninth ganh fiensex yiem ninth mbuo bun fu'loqc nyaanh daaih wuov fai mv maaih da'nyeic diuc nyungc zingh haih zaah bun mangc aqv nor oix zuqc njiec waac caux njiec mbuoz.

Fiev njiec (1) haaix dauh duqv zipv wuov deix nyaanh, (2) nyaanh yiem haaix daaih, aengx caux (3) mbuocq zix.

Tiuv yiem Ganh Nyungc Zipv Bieqc nyei Nyaanh (Waac-naaic 12)

Box tong bun yie mbuo se gorngv meih hnamv daaih duqv bieqc nyei nyaanh corc duqv jienv mingh a'fai maaih dornx tiuv nor. Se gorngv meih hiuv maaih dornx haih tiuv nor, box bun yie mbuo hiuv gorngv haaix zanc tiuv aengx caux mbuocq zix.

Sou-daan dengv zornic bieqc (Kungx CalWORKs hngv) nyei nyaanh liemh jienv: qekv-m'ngorngv fai qekv-dauh, yienx cuotv daaih nyei nyaanh qekv, zipv nyaanh nyei fienv yiem gorn-zaangc daaih, fai ganh nyungc.

Maaih haaix nyungc tiuv nyei fai (Waac-naaic 13)

Fiev njiec ganh nyungc dongh haih tiuv meih duqv tengx nyei jauv fai duqv zipv nyei soux mouc. **Bun mangc nyei nyungc zeiv** gorngv taux tiuv nyei jauv se fiev njiec yiem SAR 7 nyei sou-guv.

HAAIX DAUH HORPC ZUQC NJIEC MBUOX YIEM SAR 7

- Longc **Baeqc Nyaanh:** Meih caux meih duqv zipv tengx nyei cai-doix, tong hungx jaa nyei cai-doix, a'fai fu'jueiv nyei dae fai maa (dongh duqv zipv nyaanh tengx fu'jueiv), se gorngv juangc biauv yiem nor.
- Longc **CalFresh:** Dongh benx biauv-ziouv, benx div zuangx mienh, a'fai liuc leiz hmuangv doic nyei mienh.
- **Caux weic 2 nyungc:** Haaix dauh mienh tengx fiev naaiv zeiv box fienv sou, faan waac mienh, a'fai yiem-hlen mienh.

BEIV HAAIX NYUNGC DONGH YIE MBUO GORNGV TAUX

BIAUX BINGX LEIZ: Mienh biaux bingx fai biaux doz-leiz se dongh ninh hiuv duqv hungx jaa cuotv sou daaih zorqv ninh caux ninh yaac hiuv duqv mengh nyei gorngv zaangv leiz nyei hungx jaa zimh lorz oix zorqv ninh uonx loh.

BAEQC NYAANH: CalWORKs (California Gong-Gorn caux Liuc Leiz fu'jueiv), Tengx Nyaanh Biaux Deic-bung nyei Mienh (RCA), Tengx zuqc Nduov Maaz caux Dorngc Zuz Mienh nyei Gorn (TCVAP), Bieqc Gorn tengx nyei Baeqc Nyaanh (ECA).

CUOTV NYAANH UIX FU'JUEIV: Nyaanh dongh meih oix zuqc cuotv mingh bun meih nyei fu'jueiv fai fu'jueiv-nzuonx uov. Liemh jienv dae faix fai maa faix cuotv nyei nyaanh se gorngv ninh mbuo caux meih juangc biauv yiem.

DAU ZIANGX SAR 7: SAR 7 kungx qiex zuqc "dau ziangx" se gorngv haaix zanc:

- Yietc zungv ZEIZ/MAIV ZEIZ nyei waac-dau duqv dau ziangx nzengc mi'aqv, *aengx caux*
- Yietc zungv naaic nyei waac yaac dau nzoih, *aengx caux*
- Yietc zungv dengv nyei sou-daan ei qiex zuqc longc nyei buonc yaac duqv juix daaih bun jienv aqv, *aengx caux*
- Yietc zungv qiex zuqc njiec mbuox nyei dorngx yaac njiec ziangx mi'aqv, *aengx caux*
- Sou-tov yaac duqv njiec mbuox, caux hnoi-nyieqc yiem dorng hlaax nyei nqa'haav laai hnoi.
- Gap zunv nyaanh" meih cuotv nyaanh qekv nyei buon fai da'nyeic nyungc nyaanh qekv (mv zeix zoux gong nyaanh fai mienh goz nyaanh), ndaangc dongh zorqv cuotv liouh cuotv nzouh zinh fai so soh si' kiu ri' di wuov.

YIETV ZUNGV NYAANH: Naaiv se benx meih duqv zipv nyei qekv fai ganh nyungc nyei nyaanh qekv (ndortv gong nyaanh, mienh gox nyaanh), ndaangc maiv gaengx zorqv cuotv bun nzouh zinh caux ziux goux nyaanh.

DORNGC LEIZ YIEM SAMX ZUIZ FAI DINGC JIENV ZUIZ NYEI ZIANGH HOC: Paaiv sic dorngx duqv dingc meih zoux dorngc meih nyei (probation) dongh yiem samx zuiz caux dingc jienv zuz nyei ziangh hoc. Meih dorngc da'yietv baan sic dongh meih yiem jienv samx zuz caux dingc jienv zuz nyei jauv se haih benx hniev jix fai mba'ndongx-hoc zuz.

TONG FIENV NYEI HLAAX: Dongh fiev njiec nyei hlaax-soux yiem gu'nguaaic SAR 7 sou-dauh. Box tong yietc zungv duqv bieqc nyei nyaanh caux maaih haaix nyungc goiv yienx nyei jauv yiem naaic norm hlaax.

FUNGX SOU NZUONX NYEI HLAAX: Naaiv se benx dongh meih njiec mbuox caux hnoi-nyieqc yiem wuov zeiv sou-daan liuz fungx mingh. Fungx sou nzuonx nyei hlaax yaac fiev jienv yiem gu'nguaaic SAR 7 sou-dauh, yiem ga'ndiev tong fienv sou nyei hlaax-soux.

ZORQV NGAENG C WAAC

- Meih oix zuqc njiec mbuox SAR 7 "dorngc leiz weic gorngv jaav-waac." Naaiv biux mengh gorngv meih duqv laengz waac (laengz waac) gorngv yietc zungv meih gorngv nyei waac bun se zien nyei, zuqc nzengc aengx caux nzoih nzengc mi'aqv.
- Gorngv jaav-waac nor benx zuz – naaiv biux mengh gorngv meih duqv laengz waac mi'aqv (laengz waac) gorngv zien waac mv baac meih benx maiv zingx nyei mienh.

JIANGX LONGX:

- Box tong fienv sou oix zuqc juix cuotv yiem da' 5 hnoi wuov norm hlaax. Oix zuqc fungx doix ziangh hoc weic haih simv cuotv la'nyauv nyei sic taux meih duqv zipv nyei jauv-louc.
- Se gorngv meih box tong fienv zaih maanz (jiex liuz 11 hnoi meih box fienv nyei hlaax), dau maiv ziangx fai maiv fungx nzuonx, meih nyei nyaanh haih daaih zaih, goiv yienx, fai dingh.
- Se gorngv kau dih duqv zipv meih nyei fienv zaih maanz liuz zoux maiv hingx jamv meih nyei nyaanh zoqc njiec ziux meih box tong nyei fienv uov nor, meih haih zuqc jaav nzuonx dongh bun camv jix ndaangc nyei buonc.
- Se gorngv meih fungx daaih nyei box fienv sou dau maiv ziangx, meih haih duqv zipv mienh heuc meih dau taux ziangx nzengc aengx caux/fai qiex zuqc dengv nyei sou-daan ei qiex zuqc longc nyei buonc. Meih zipv tengx nyei jauv haih fungx daaih zaih.
- Se gorngv meih duqv njiec mbuox caux hnoi-nyieqc yiem meih nyei box fienv sou ndaangc daauh hnoi meih fungx sou nyei hlaax nor, ninh mbuo yaac heuc meih ganh njiec nzunc mbuox caux hnoi-nyieqc.

- Se gorngv meih maiv hiuv duqv hngv haaix nor dau, dau taux haaix nyungc, a'fai qiex zuqc haaix nyungc dengv nyei sou-daan, **naaic kau dih nyei gong-mienh.**
- Se gorngv meih nyei baeqc nyaanh dingh, meih corc duqv zipv CalFresh dongh benx maaz nyanc hopv nyei nyaanh se gorngv ih zanc meih duqv gong daaih aqv.
- Se gorngv meih nyei baeqc nyaanh dingh mi'aqc, meih corc haih duqv zipv kungx-tengx fai cuotv zoqc nyei zorc baengc daan yiem Medi-Cal nyei gorn daaih.

DORNGC "WELFARE" NYEI LEIZ

- Gorngv-baeqc nduov tengx nyanc hopv nyaanh dongh meih baac-baac maiv box tong nzoih, fai box dorngc waac, weic haih duqv zipv tengx nyei jauv camv faaux.
- Gorngv-baeqc nduov se benx zuz.

ZORQV ZUIZ BUN GORNGV-BAEQC NDUOV ZIPV BAEQC NYAANH: Se gorngv meih zuqc paaiv daaih benx gorngv-baeqc mienh fai maiv horpc zipv longc weic meih ba'baac (liepc hnyouv) maiv box tong meih horpc zuqc zipv nyei buonc zingx nyei, meih haih ndortv meih nyei baeqc nyaanh. Meih maiv duqv zipv tengx nyei jauv ndongc haaix lauh se yiem meih duqv zoux dorngx jix nyei fai. Meih yaac haih zuqc baatc benx nyaanh camv taux \$10,000 caux/fai **bieqc loh** taux 3 hnyangx.

Meih nyei baeqc nyaanh yaac zuqc dingh:

- Weic **maiv box tong** yietc zungv zien waac fai gorngv dorngc waac: daauh nzunc 6 hlaax nyieqc, da'nyeic nzunc 12 hlaax nyieqc, fai da'faam nzunc **dingh yietc liuz.**
- Weic meih fungx **tov tengx nyei sou gauh camv jix yietc zeiv** bun taux m'daaih dongh wuov norm hmuangv doic yiem ganh nyungc sou-daan caux dongh wuov deix qiangx: 2 hnyangx weic dorngc daauh nzunc, 4 hnyangx weic dorngc da'nyeic nzunc, aengx caux da'faam nzunc se dingh **yietc liuz aqv.**
- **Dorngc yiem hniev nyei zuz** weic duqv zipv tengx nyanc hopv nyei nyaanh se maaih: 2 hnyangx weic duqv zipv ganh camv tengx nyei nyaanh \$2,000 ga'ndiev maengx; 5 hnyangx yiem \$2,000 mingh lorz \$4,999; caux **yietc liuz** bun taux \$5,000 faaux maengx.
- **Yietc liuz:** weic ba'baac bun jaav dorngx yiem liuz haih duqv 2 norm fai camv-norm kau dih fai camv-norm saengv dongh zanc tengx nyei jauv; liepc hnyouv (baac-baac) bun kau div maiv zien nyei waac taux maiv puix duqv zipv tengx nyei fu'jueiv a'fai wuov dauh fu'jueiv zungv maiv maaih; gorngv-baeqc nduov duqv zipv tengx baeqc nyaanh gauh camv \$10,000; zuqc paaiv sic dorngx dingc zuz da'faam nzunc.

ZORQV ZUIZ WEIC GORNGV-BAEQC NDUOV ZIPV CalFresh tengx nyei jauv:

Se gorngv meih zuqc paaiv daaih benx gorngv-baeqc mienh fai maiv horpc zipv longc weic meih ba'baac (liepc hnyouv) maiv box tong meih horpc zuqc zipv nyei buonc zingx nyei, meih nyei CalFresh haih dingh taux 12 hlaax nyieqc weic dorngc da'yietv nzunc, 24 hlaax weic dorngc da'nyeic nzunc, caux dingh **yietc liuz** weic dorngc da'faam nzunc. Meih haih zuqc baatc benx nyaanh camv duqv taux \$250,000 caux/fai zuqc **bieqc loh** fai **dingc zuz** taux 20 hnyangx.

Meih nyei CalFresh haih zuqc dingh se gorngv meih zoux dorngc leiz yiem paaiv sic dorngc fai paaiv sic jien dingc daaih weic zuqc:

- Meih dorh CalFresh mingh tiuv yienx fai maaz maaic congx, yunh, fai yunh mbeux, meih nyei CalFresh nyaanh haih zuqc dingh **yietc liuz** weic meih zoux dorngc maiv gunv benx da'yietv nzunc.
- Meih dorh CalFresh nyaanh mingh maaz maaic dorngc leiz nyei ga'haav. Meih nyei CalFresh nyaanh haih dingh taux 24 hlaax nyieqc weic zoux dorngc da'yietv nzunc caux da'nyeic nzunc nor dingh **yietc liuz aqv.**
- Meih dorh CalFresh mingh tiuv yienx fai maaz maaic dongh maaih jaax-zinh taux \$500 gu'nguaaic maengx. Meih nyei CalFresh nyaanh haih dingh **yietc liuz aqv.**
- Meih bun jaav nyei sou-daan taux meih benx haaix dauh caux yiem nyei dorngx bun kau dih weic haih duqv CalFresh nyaanh gauh camv jix, caux dongh zanc zoux i norm sou-gorn. Meih nyei CalFresh nyaanh haih dingh taux 10 hnyangx.